



UNIVERSITÄTS-
BIBLIOTHEK
PADERBORN

Universitätsbibliothek Paderborn

Agenda, Sev Ritvale Osnabrvdense

Franz Wilhelm <Osnabrück, Bischof>

Coloniæ Agrippinæ

Benedictio sacerdotalium indumentorum in genere.

urn:nbn:de:hbz:466:1-41233

M O N I T I O.

Quatuor prima SS. Euangeliorum capita seu initia, quæ in Diœcesi nostra pro frugibus terræ, maxime vero in Ecclesiis ruralibus, pro locorum consuetudine, ab Octava Paschatis usque ad finem Augusti, vel ulterius, singulis Dominicis legi vel decantari solent, habentur infra in Processione SS. Corporis Christi.

Pag.

Quis vero in eisdem decantandis ritus observandus, & qualis Versiculorum, Orationum & Benedictionum, delectus habendus sit, infra etiam describitur.

Pag.

B E N E D I C T I O N E S,

A B E P I S C O P I S,

vel aliis, facultatem habentibus,
faciendæ.

*Benedictio Sacerdotalium Indumentorum
in genere.*

Vers. Adjutorium nostrum in nomine Domini. *Resp.* Qui fecit cælum & terram.
Vers. Dominus vobiscum. *Resp.* Et cum spiritu tuo.

Ore-

Oremus.

OMnipotens sempiterne Deus, qui per Moyſen, famulum tuum, Pontificalia & Sacerdotalia ſeu Levitica veſtimenta, ad explendum in conſpectu tuo miniſterium eorum, ad honorem & decorem nominis tui fieri decreviſti: adeſto propitiuſ invocatio- nibuſ noſtris, & hæc indumenta Sacerdotalia, deſuper irrigante gratiâ tuâ, ingenti benedictione per noſtræ humilitatiſ ſervitium purificare ✠, benedicere ✠, & conſecrare ✠ digneris; ut diviniſ cultibuſ & ſacriſ myſteriis apta & benedicta exiſtant: hiſ quoque ſacriſ veſtibuſ Pontifices, & Sacerdoteſ, ſeu Levitæ tui, induti, ab omnibuſ impuſſionibuſ ſeu tentationibuſ malignorum ſpirituum muniti & deſenſi eſſe mereantur, tuiſque myſteriis apte & condigne ſervire, inhære, atque in hiſ tibi placite & devote perſeverare tribue. Per Chriſtum Dominum noſtrum. *Reſp.* Amen.

Oremus.

DEus, invictæ virtutiſ triumphator, & omnium rerum creator ac ſanctificator: intende propitiuſ in preceſ noſtraſ, & hæc indumenta Leviticæ, Sacerdotaliſ, & Pontificaliſ gloriæ, miniſtriſ tuiſ fruenda, tuo ore

pro-

proprio benedicere ✠, sanctificare ✠, & consecrare ✠ digneris; omnesque eis utentes, tuis mysteriis aptos; & tibi in eis devote ac laudabiliter fervientes, gratos efficere digneris. Per Dominum nostrum Iesum Christum.

Oremus.

Domine Deus omnipotens, qui vestimenta, Pontificibus, Sacerdotibus, & Levitis in usum tabernaculi foederis necessaria, Moysen famulum tuum conficere iussisti, eumque spiritu sapientiæ ad id peragendum replevisti: hæc vestimenta, in usum & cultum mysterii tui, benedicere ✠, sanctificare ✠, & consecrare ✠ digneris: atque ministros altaris tui, qui ea induerint, septiformis spiritus gratiâ dignanter repleti, atque castitatis stolâ, beatâ facias cum bonorum fructu operum ministerii congruentis immortalitate vestiri. Per Christum Dominum nostrum. *Resp. Amen. Deinde aspergit ipsa indumenta aquâ benedictâ.*

*Benedictio mapparum sive lintheaminum
Altaris.*

Vers. Adjutorium nostrum in nomine Domini. Resp. Qui fecit cælum & terram. Vers. Dominus vobiscum. Resp. Et cum spiritu tuo.

F f f

Ore-